

Escrito por Redaccion @valminorinfo
Xoves, 17 Xullo 2014 21:57



A Rúa Rans pertence á Xunta de Galicia. As súas estradas e beirarrúas precisan dunha urxente intervención para acondicionar esta arteria que comunica San Pedro co Lourido e Praia América. O pasado decembro o alcalde rexeitou unha proposta de acordo da UCN que o instaba a xestionar un convenio a tal fin coa Consellería de Medio Ambiente, Transportes e Infraestruturas da Xunta. Días atrás o rexedor anunciou a inminente adxudicación das obras de humanización, pero dentro dun plan da deputación provincial. Mais a autorización desa intervención está condicionada a que o concello obteña o traslado da titularidade da estrada ao patrimonio municipal. Un proceso que deberá iniciar coa aprobación do pleno –no que está en minoría- e a posterior vontade do goberno autonómico, titular da estrada.

Nunha estrada autonómica non se pode certificar a dispoñibilidade dos terreos polo Concello.

“O alcalde non considerou necesario levar a cabo as obras por parte da Xunta”, lembra o portavoz da UCN, Fernández Comseña. “

Será porque na Xunta xa non o reciben

?”, ironiza. O edil comparte a urxencia de dotar con mellores servizos de aparcadoiros, arranxos da estrada e beirarrúas de Rans, mais esixe que o plan contemple as normas subsidiarias de planeamento urbanístico vixentes. As mesmas, explica, establecen unha sección da rúa de 20 metros, o que segundo a información coa que conta o edil, non contempla o actual proxecto que Alberto Valverde presentou ante a deputación: “

o que o alcalde pretende levar a cabo é unha actuación ilegal

Escrito por Redaccion @valminorinfo
Xoves, 17 Xullo 2014 21:57

”, salienta Fernández.

Sinala que non é de recibo que o concello de Nigrán, asuma a titularidade da rúa nese “*lamentable estado de conservación*

” e sen que antes a Xunta leve a cabo a urbanización completa do mesmo, “*un feito insólito e que nunca se viu*

”. Circunstancia que pretende corrixir advirte a través da deputación

, “*pero deuse conta que non podía ser, ao tratarse dun vial que non é de titularidade municipal, e non poder certificar a dispoñibilidade dos terreos para que a deputación realice as obras, polo que pretende esta ocorrencia chapucera*

”, argumenta.

UCN adianta por que non acompañará o troco de titularidade no pleno

Adianta que a posición de UCN será que primeiro se urbanice integramente a estrada polo actual titular, a Xunta, e que logo se entregue ao Concello. Ao mesmo tempo, que os recursos acadados para esta obra na deputación se destinen para a execución de obras de titularidade municipal ou provincial, tales como as rúas Ceán ou Manuel Prado.